




徐氏筆精

七

15  
1381  
7





徐氏筆精

八

曾  
門 4  
號 7

15  
1381  
卷 7





徐氏筆精卷之八

人專

積善之家

人行一善可謂之善矣行數善可謂之積善之人如  
范希文父子捐麥舟事可謂之積善之家矣易曰積  
善之家必有余慶非指一人一事言也

智岩警語

世有怨府畏途禍胎鬼趣積習晏安於其中未曾一  
念覺悟令人於四者無不蹈之後患其能免乎

罷官蓋棺





見一人罷官功名富貴之念當漆一分淡送一人蓋棺妻妾兒女之情當減一分輕

殺人欠債

諺云殺人償命欠債還錢今之豪家以威勢殺人貨賄官府即脫巨室以厚息逼人致死官府亦不之究是殺人還錢欠債償命也

裸葬

楊王孫家業千金厚自奉養及病乃囑其子裸葬今人家累千金生前盡鹽布素死而求義木紵絲絮而烹豕判羊葬而伐石起塚視王孫孰痴孰達哉

好給沙門

何次道好佛供給沙門而不施貧乞殷仲堪好道不怯財賄而嗇于周急今有佞佛求福者廣施貨財不吝千金而貪交劫一錢之贈與其結納鬻徒不如周賑困乏

郡吏碎玉

郡伯喻公政偶裁答遠書呼役取玉印色匣役失手墜地郡伯不問也役請罪及慰諭之次日役重價購匣償公公喜而還其價其稚量與裴行儉吏碎瑪瑙盤談笑自若韓琦吏碎玉杯神色不異何多讓哉



鬱林石

唐末陸龜蒙績裔孫也其門有巨石是績鬱林携婦  
者至龜蒙時猶世保其居李德裕殷勤戚子孫不聞  
子孫保守信夫子孫賢不肖非祖父文字可訓戒也  
今鬱林石移置察院前巍然數尺號燾石吳文定作

燾石記

避嫌

宋宰相韓億謚忠憲四子綜絳維鎮同奏名禮部忠  
憲上疏曰臣子叨陛下科第雖非有司觀望然臣既  
備位政府天下將由臣致此臣教子既已有成又何

必昭示四方以為榮觀哉乞盡免殿試唱第誠懇再  
三仁宗嘉歎遂俞所請我朝陳循王文之子不第因  
而彈劾試官萬曆初江陵柄國二子皆及第一子進  
士未幾削奪流貶方之忠憲能無媿乎

妒婦

南唐樞密杜業妻張氏甚妒烈祖命元后召誠之張  
璽涕曰業奉陛下所藉者驚為之力未竭耳若縱之  
及貽其禍將悞於任使矣烈祖獎嘆以銀盤綵段賞  
之夫妒婦既不利其夫而又甘言以誑人主及獲厚  
賞可畏哉



惡婦

婦人之惡過於男子生前無論即死後猶能為祟如妒婦津是已溫韜奏掘唐帝諸陵剔取金寶惟乾陵以風雨屢作不能發上人云或有游戲侮慢及取其尾石皆有靈響

交友

利瑪竇歐邏巴人也著天主寶義人傳誦之而交友論尤切中人情有云古有二人同行一極富一極貧或曰二人為友至密矣竇法德古之曰既然何一為富者一為貧者哉言友之物皆與共也又云視其人之

友如林則知其德之盛視其人之友落之則知其德之薄

通財

余嘗慨朋友無通財之誼聖門諸賢推顏子原憲為最顏則簞食瓢飲所居陋巷原則三旬九食捉衿見肘甕牖繩樞貧亦極矣乃同時有子貢廩著鬻財于魯魯之間最為饒益且結駟連騎以訪原憲又有公西華乘肥衣輕當時亦不能分給二子稍之不至乞絕可見通財之義賢者猶難之况末世乎善夫利西秦交友論曰一貧一富號曰相知某人曰既云相知胡



為一貧一富哉

溫公僕

司馬溫公家一僕三十年止稱君實許魯齋在中書  
欲買一僕牙僧以能應對問禮節者進輒謝去後得  
蓬首垢面愚騃者用之或詰其故曰聰明過我我反  
為其所使矣噫此腐儒之見也蘧伯玉使人於孔子  
孔子曰使乎使乎未嘗愛愚騃之人也至司馬公為  
其僕呼君實乃公之盛德若人家畜此奴不大悞事  
耶後世腐儒遵此為訓是主僕皆憤者耳聞中福  
興漳泉人家僕輩頗跳梁然皆識體至延建邵汀主

人肅容而捧茶僮奴隅坐主人不以為恠僕愚騃垢  
面終身不知着衣戴帽魯齋之言悞之也

狐鼠盜

晝代夜勤者狐也鼠也蚊也盜也四者秉陰氣人之  
所惡也士君子昏夜乞哀其狐鼠政賊之類與

壽夭

戶樞不蠹流水不腐是以安逸者常多疾病勞碌者  
恆鮮損傷好花易謝不材天年是以智巧者恆致夭  
折魯鈍者多享遐齡

同于支



先府君與同邑宋某同生正德癸酉年月日時俱同  
同補諸坐同食飢同月生女又同遲嗣續至丁內外  
艱偶值疾病無弗同者嘉靖戊午宋以病卒無嗣幸  
百府君生余伯兄及為邑宰并生余及牙較宋某多  
三十四年前半世無弗同後則迥異宋號瑤坡忘其  
名

### 飲食

高帝不忘情于顏曼韓信不負諸于漂絮靈輒赴難  
以酬恩淵明乞食思冥報誰謂口腹之微無關心身  
之重

### 祈禱

武王疾而周公以身代聖人亦不能以命自安孔子  
病而子路以禱請賢者亦不免以神為佞是以聖人  
賢者作之于前愚夫愚婦惑之于後

### 再拜

玉藻君酒肉之賜弗再拜子思於繆公餽鼎肉稽首  
再拜而受孟子亦曰以君命將之再拜稽首而受子  
思孟子先與禮舛矣毋怪後世之廢古禮也

### 諺

今人諺語皆本于古句法恒相類如掩耳偷鈴刻舟



表  
求劍坐井觀天抱薪救火守株待兔膠柱調瑟落井  
下石隔靴搔痒炊沙作飯見鬼放鷹灼艾分痛臨寒  
索衣又如水中摸月佛面刮金管中窺豹夢中說夢  
屋下架屋人皆常談鮮有究其義者

雅事 附俳諧

山林公案

友人陳履吉云山中何景最奇曰雨後露前花朝雪  
夜何事最奇曰釣同雀守果遺猿收葦亭陳仲醇云  
三月茶筍初肥梅風未困尤月尊鱸正美秫酒初香  
勝客晴窓出古人法書名画焚香評賞無過此時二

語足為山林公案

睡訣

陸文量睡訣云半酣酒歇自宿軟枕頭煖蓋足能息  
心自瞑目余不甚喜睡嘗有訣云俗事簡声色恬不  
忙冷無若炎厚襯褥低下簾倦即臥自黑甜友人陳  
履吉云手宋人陳編輒自引寐此出窓睡訣也過矣  
過矣

煮茶

友人羅高君曰山堂夜坐汲泉煮茗至水火相戰儼  
聽松濤傾瀉入杯雲光激灩此時幽趣未易與俗人



言

奕棋

奕雖小技然日長一局是最清境界林君復生平極清至以着棋與擔糞并稱然風景矣不如楊廉夫云棋損閒心畫為人役語和緩有致

鑲冠

楊廉夫號鑲冠道人所戴鑲冠重四錢六分向藏高太醫家陳眉公今收得之聞其買鑲冠時正在除夕前數日公私之適帽集猶抽力置此足稱名士

竹如意筭籜冠

南齊明僧紹隱勞山詔徵不就賜竹根如意筭籜冠隱者以為榮

着裘帶帽

華亭孫愛居太守十月便以薪草縛衾枯上陳眉公曰此為木奴着裘余小園中喜種菊結苞時以龍眼殼罩之直至臘後放殼始開陳惟秦嘗戲余云此為菊花戴帽可為的對

種菜

宋字種菜三十品兩後按行園圃曰天苗此徒助余鼎俎周顛曰春初早韭秋末晚菘王維詩云松下清



齋折露葵三君皆得農圃風味此况未可與肉食肥  
漢道也

客酬主

雜語

有人宴屠綈真酒酸持杯勸曰李白斗酒詩百篇君  
非青蓮後身耶綈真笑曰我能吸三斗他日可為  
宰相其人悟而易酒張幼于赴吳令招酒酸幼于先  
以巨觥勸吳令令曰主人未勸客客及勸主人辭再  
三幼于必勸主人飲一入口知其意即易酒

睡丞

張東海睡丞志云嘉興丞某嘗訪一鄉貢坐俟其出

輒睡主人出恐覺之相對默坐亦睡丞覺不欲妨主  
睡坐待又睡主既覺丞猶睡不欲覺之又睡以待丞  
覺晚矣主睡方酣遂不交一語而去余友沈從先吳  
人亦善睡嘗宿予齋頭予晨起有親故出殯往返七  
十里暮歸睡猶未覺也黃云余家從兄以墓王父母  
奉家送殯留一僕守舍與之米使自炊三日歸則及  
扃其戶呼之不應竊意其墜垣以遁而四壁宛然因  
斬關而入猶在吟嚙中米仍未炊也蓋睡兩晝夜視  
沈更酣耳

蘇大躡鼠鵝



顏氏家訓云江南有一權貴讀誤本蜀都賦注解蹲  
鴟羊也乃為羊字人饋羊肉各書云損惠蹲鴟奉朝  
驚駭張九齡知蕭昺不學故相調謔一日送羊書稱  
蹲鴟蕭答云損羊拜嘉惟蹲鴟未至耳然僕家多怪  
不願見此惡鳥也九齡以書示客滿座大笑

君臣無鬚

李勣常疾醫云得龍鬚燒灰可療太宗自剪鬚燒灰  
賜之服訖而愈李勣姊病自為粥而療其鬚余嘗戲  
謂在杭曰貞觀時君臣皆無鬚在杭詫余無典故  
余以勣集答之一座絕倒

判語諧謔

鄭安晚居青田府鹿食民稻犬噬殺之府囑守黥犬  
主幕官擬云鹿雖帶牌犬不識字殺某氏之犬償鄭  
府之鹿足矣浙右有富人捨竹園于寺後其子貪色  
取其筆僧執為盜聞于官守判云當初捨園指望福  
田既無福田還他竹園二事出隨隱漫錄亦是解頤  
又宋季偶嚴酒禁有婦首其姑藏私醞聞之官官判  
云姑誠有罪然為婦者宜代受杖遂杖其婦而遣之  
尤一快也

天象地輿



赤雪

仙家有絳雪晉朝雜事云太康七年雨赤雪二頃唐五行志貞元二十一年正月雨赤雪于京師孫有有論赤雪疏非祥兆也

甜雪

周穆王時西王母獻嶠別甜雪見拾遺記

金馬碧雞

地輿

金馬碧雞二山在雲南神在成都漢遺王褒祀金馬碧雞之神定在蜀也蜀有碧雞坊薛壽曾居之

山川異聲

平涼有彈箏峽峽口水流風吹滴屋如彈箏之韻金陵靈谷寺有琵琶銜湖口有石鐘山武夷有鼓子峰皆山川之異聲也

武夷水樓

武夷鼓樓岩舊志云石樓四楹非也萬曆癸未五月陳孔震司馬馮陳羽士引至鼓子峰前鐘摸石下綠石壁至其所見本造鼓樓一區高廣三四尺瓦甍皆以木窓櫺戶牖皆具制甚精巧釘額出木外四五分不知何代物傳云飛來或然也司馬至時不難及婦怖甚幾作昌黎華山之慟程羽士力掖之始得下



扶疑

孟子出妻

荀子言孟子惡敗而出其妻韓子外傳有孟子欲出妻因母言而止二說不同書可盡信乎

高柴為武城宰

人知子游為武城宰不知高柴亦為武城宰而化行

民有不服其親者改之行喪如礼君子之德風也以

身先之而民不遺其親右見陶元亮士孝傳宋語亦

云仕為武城宰

按檀弓云成人有其兄死而不為衰者聞子羔將為成宰遂為衰恐成未

必為武城或誤也

子平

宋有徐子平精星學術士宗之但稱曰子平子平名居易五季人與麻衣道者同隱華山今之推子平者祖宋末徐彥昇實非子平也

積惡公忿

人有積惡公忿莫可誰何者著書人多厚誣之以快天下之忿如秦始皇為呂不韋子賈似道為迦婢姦生又謂其母遇賈涉桃而從之又謂賈涉通變婢生似道嫡不相容賣為石匠妻曖昧之事誰其知之奸暴過甚後世并辱其母是以君子惡居下流



石鐘

湖口石鐘山水經註以為水石相搏若洪鐘唐李渤以為潭上有雙石声清越若鐘蘇東坡親履水濱聽風濤鐘聲嗒遂非李說千百年幾成聚訟東坡好奇者也又鄜元道元載之水經可據若李說山石之響字内何處無之烏足以名是山哉

博聞

尾棺

人死藏魄于木古禮也金陵尾棺僧事甚異陸放翁筆記云靖康丙午臨邛夾門鎮山險处得尾棺長七

尺厚二寸與木棺同骨猶不壞然則骨之以尾為棺不獨一僧也

金蓮炬

金蓮炬送歸院始于令狐綯宋王珪蘇軾晁迥史浩亦被此寵今人但知蘇軾

鏡硯

古人用鏡硯者桑維翰也洪厓先生欲歸河内舍人劉守璋贈以楊雄鏡硯以鏡為硯始自楊雄維翰效之耳

琵琶故事

黃參

効



琵琶故事烏孫公主王昭君潯陽商婦最著皆婦人也男子無聞黃云善才非男子乎

放龜

毛宝放龜事寔其軍人見宝本傳諸書誤以為宝相沿不察宝守株城石虎遣將攻城宝突圍出溺死江

中

戮鱷

人但知韓文公能驅鱷魚遠徙而不知宋陳文惠堯佐詔縣吏操網捕鱷戮而烹之唐有鱷既徙至宋猶出食人文惠一戮之後不聞鱷魚再為患然則文惠

之功在昌黎上矣文惠有自撰戮鱷文

放雀

徐列雲龍山有山人張天驥放雀亭山人有二雀甚馴且則望西山而放莫則望東山而歸蘓子瞻為作記今人但知林和靖孤山放雀亭而天驥之名不著特表出之

捕蟬

今之樺子捕蟬每用桃膠塗竹竿稍上粘之即得曹子建云怪柔竿之冉冉兮運微粘而我纏欲翻飛而逾滯兮知性命之長捐蓋自古已然矣



占驗

朱子前定數

義烏東平山有宋平昌刺史劉豪墓隆慶戊辰長至  
裔孫尚恭重修墓碑掘數尺見墳臺臺上有磚方尺  
許刻晦菴卜墓數云天聖戊辰墓此丘蔭十八紀出  
公侯子子孫之垂不替繩之武之永無休五百四十  
一年損十七八歲裔孫脩戊辰戊辰新一石重修重  
脩千百秋秘書郎朱喜書按天聖戊辰至隆慶戊辰  
年數良是而長至又恰戊辰孫劉仕宋贈武節侯脩  
墓 脩皆文公門人故為之卜而刻之墓

吳司空夢

新建吳司空桂芳未第時至鯉湖禱夢仙書云蘭陵  
羨酒賞心樂事功蓋天下澤及萬民公密記之人間  
夢只以前兩句對及登第出守揚州蒞任之日見酒  
肆懸一招牌則前兩句憬然有悟但後兩句未驗耳  
後公累官漕運總督經畧淮海晉工部尚書以勞瘁  
卒贈太子少保制云功蓋天下澤及萬民乃歿後始  
驗也

水去就好

華亭曹別駕藩為諸生日禱于鯉湖夢一童子云君



榜上已有名偃水去就好甲午試北幾從開河入京  
竟不第迨丁酉歲焦弱疾為考官錄其文魁禮經寫  
榜人誤書藩字作蕃所謂水去之應也別駕與余言

醫字四則

褚氏平脈

南齊褚澄精于醫著書十篇刻石殉葬後盜斃其塚  
書傳人間第三篇平脈言女子肺脾命在左心肝腎  
在右與今人診脈殊異錄之備攷

學醫五難

祝允明云病家貴驕不肯敬從一也病人愚悞強謂

自知不能服從二也愚下之輩不辨良庸時有劣工  
謬得俗譽愚下必棄上匠而委劣工三也劣繆之徒  
信其妄施偶中他力自執為是四也良雖薦藥服者  
他參用而後疑愈不專工敗乃分論五也

喉閉藥

喉閉之疾用鴨嘴搥調醞醋灌之即吐膠痰見癸辛  
雜志

稀痘方

王損菴筆壘云姑蘇有一僧賣稀痘藥服之神驗王  
荆石相公許以重利欲傳其方峻拒之後以十金得



之於其徒乃去參克絲子二味亦分蜜調服也公欲  
廣其澤見人卽說後宰驗蓋秘方廣傳則不知人莫  
喻其理王先生曰衆生業力大製方者心力幾何不  
能轉之故也予謂古方療病今人多不驗瘥瘥五年  
一痊或時年宜用涼用溫未可執一而治予幼年見  
閩中治瘧什九用參耆近年用補者死多用涼劑此  
可以破其說矣

靈異

阿育王塔

四明鄞山阿育王塔晉太康三年從地湧出其狀青

色似石非石高一尺四寸方廣七寸露盤五層四角  
坦然中懸金色小鐘舍利綴于鐘下圓轉不定繞塔  
四周俱是鑿空諸佛菩薩金剛聖僧八部等像神工  
聖迹非人力所及萬曆丙子平湖陸五臺公瞻禮初  
見舍利大如芡實已如彈丸已大如瓜最後大如車  
輪五色变幻光彩射目壬子泰和郭孔泰孔陵到山  
瞻禮舍利初視若黍珠已如豆如蓮子同觀者或見  
如新菱出殼兩角垂絲絲綴以珠或見如葡萄色或  
見如桃瓣或見如金蓮花瑞相種種莫可殫述始知  
佛大神通歷千百年不滅也



金雞

武夷接簡道士程應玄者曾入金雞下洞從舟中仰視洞若不甚深廣所堆<sup>木</sup>若有限比履其所甚宏邃內有三丈餘楠木上闌仙蛻十三函每函頭顯一二斤脛骨一二莖手骨一二節皆裹以錦帕一函中有雀骨頭與足各一又有楠木剝一舟長丈餘濶三尺內細羅香末并香灰幾滿而洞中香灰成堆者亦纍々然上金雞洞視下洞為小人不感到萬曆丁丑五月有張富郎者年八十餘冒險入其中別見數人鼾睡香灰內傍有銅磬覆地富郎翻而視之磬下一雞遽

展翼鼓扇香灰眯目倉皇俯伏半晌稍息亟山籃縋下半空籃撤富郎墜入舟子懷中無恙後年九十終應玄親見富郎道其詳陳司馬又親見應玄記其實

金雞洞香爐

武夷金雞洞舊志云嘉靖甲午飛來鑲香爐可三百片戊戌御史李元陽作記謂洞中見親置一物如香奩狀丹朱燁之約方六七尺侍御先一日望洞中無有次日乃有見洞在二十仞之上下臨不測何一宿之頃能致之速耶據此二說則洞中飛來者先為香爐後飛者不知何物也迹年陳司馬孔震記云只見



洞傍小石岩中有一爐若盤盂而不見所謂六七尺  
及三百斤者宣變幻無常耶  
高州府城有洗夫人廟祀梁太守馮寶妻廟前古碑  
一通厚可尺餘有石鏡一點白色形類碁子通明瑩  
徹視之可覩後殿屋宇器物余幼游高涼及壯所見  
異物僅此耳

朱晦菴魏窪山

宋滅淳間蜀人彭澹軒罷江東俸遊武夷山嘗獨行  
林藪入草菴中見工士夫戴冠博帶對食招彭坐俎

中丞首一羊肺一雞一豚所言皆先天圖易傳性理之  
學玄妙深奧不可曉彭問其姓字右坐者曰姓魏山  
林野史無字可稱問左坐者不答日暮辭出彭明日  
携僕挈榼再往無徑可達下山至一富家言所以富  
家曰異哉昨日至朱祠致祭正俎中之者方悟左者  
朱晦翁右者魏窪山也此段載異聞總錄可備武夷  
山志之缺

人異

成化間漳平縣有朱孔良家婦懷孕三年乃生子子  
生即轉身行步三日升樓而去弥月後未又去逾歲



後來自斷髮為一結取小匣盛之與母別曰數十年  
髮解則吾後生遂去不復來庚正德間母猶存矣視  
之結如故絕無影響邑志載此事亦大異也

鰲異

錢塘張尚書曾孫某典簿堯恩之子也有塘栖呂氏  
魏張浩鰲張付烹魚俄聞釜中有慨嘆聲張異之取  
視而鰲斃矣剖其腹中有人長二寸眉目口鼻肢體  
手足無一不具跣趺坐蓮花上金中丞公子魯親見  
之為余言時万曆戊申年也

龜異

孫太初居南屏山時養一龜後去道場山遺龜于南  
屏僧寺孫化十數年僧明鏡夢青衣人求救曰某孫  
太初伴也願師明晨索我于花臺之下僧寤往矣得  
一龜徑尺為石所壓其筒半裂而蛆叢集僧欲瘞之  
越夕不知所往然歲々聞其声至今不絕

魚異

仁和張聞渠者家宰元溯之兄也母陳畜朱魚二十  
餘頭玩弄日久母歿聞渠哀毀不忍性視皆變為白  
群各聚觀咸謂魚常变色無異也比及去喪之日魚  
後變赤儼同殯喪人謂孝感所致



金字牌

萬曆己酉五月十四日楊子江心風浪大作有渡船載百餘人幾覆忽見浪中有鬼面者持一牌起書金字一字眾謂必有金姓者在舟當死果有姓金者一人眾欲推之入水金本持齋誦經乃曰若活眾命吾吾何惜死然數止此安能倖免乃躍入水中時風狂舟遠金彷彿若有人扶之者巨浪送上郭璞墓墩而立見舟翻覆俱溺死獨金得生江右劉觀南觀察親見其事

犬異

錢唐江氏過淨慈寺歸夢其凶婚卜四為寺之堆雲菴犬自言生前為嘉定徐氏子因負寺債遂墮狗胎于茲三年願丈人為懺除之明癸江氏至寺見犬大慟呼曰卜四官何以至是犬淚下搖尾隨江氏去丙曆壬寅年事僧大經為余言

毀佛

魏莊渠毀佛槌碎六祖遺鉢折寺院無數後嗣乏絕孱雙江毀寺亦無嗣誰云佛無報應哉

雷震毀寺

蜀成都府彭縣有寂光寺廣袤五六里香火甚盛其



地有緇紳劉志淵者垂涎梵宇可拓私居斥逐僧流  
毀除佛像方埋佛入地忽霹靂一聲震志淵立斃身  
首異處有邊司徒之子一范破產恢復再建叢林劉  
氏子後爭之事在萬曆庚子辛丑間時傳金沙張芝  
陽俱為蜀憲倡義重與焉

珍玩

火玉

唐武宗時天餘國貢火玉光照數十步積之可以然  
鼎寘室內不必挾纊古所無也

蜜變

饒州府學神庫中有蜜變香爐一花瓶二相傳舊為  
回青所畫變成赤色今花纹或淡或濃宛然錦繡上  
署永樂四年造位神爐非玩器也

流黃劍

上元夫人佩流黃劍會王母於漢武宮中

鶴尾爐

費崇先信佛法以鶴尾香爐置膝前陶負白有金鶴  
尾香爐

料絲燈

料絲出滇金國者勝詢之士人云以瑪瑙紫石英諸



藥物搗云屑者煮腐如粉然必市北方天花菜點之方  
凝即縹為絲織如絹狀上繪山水人物諸色極晶瑩  
可愛以煮料為絲故名料絲

花卉果木

凌霄金錢

凌霄花金錢花皆有毒不宜近眼花露入眼則失明

刺桐

嶺南異物志曰刺桐南海至福列皆有之叢生繁茂  
唐陳去疾家于閩郡因言方物云刺桐葉綠花紅今  
泉別名刺桐城周之泉人亦云不識此樹何狀福列

蓋未之見矣

枸杞

枸杞續仙傳朱孺子見二犬入杞叢下異之乃尋掘  
得二杞根形如犬故名枸杞杜子美以枸杞對雞栖  
白樂天詩云不知靈藥根成狗怪得時聞夜吠聲後  
世方書皆曰枸杞誤也

大茶

天台記丹丘出大茶服之生羽翼又蒙山頂茶一服  
祛疾二服無病三服換骨四服即為地仙故盧仝歌  
云既覺乃腋生清風生蓬萊山在何處玉川子乘



此類歸去皆有府據非漫語也

異草

善語國有草食之令人不眠名却睡草洞冥與慶池

南有草紫葉而香醉者嗅之即醒名醒醉草開元常

山有草置諸門夜有人過輒叱之名護門草陽東海

祖烈有草人死三日覆之即活一株可活一人名不

死草謝澗別有草視其節知一歲凡候名知凡草

一統黃帝時有草生于庭倭人入則指之名指倭草

御漢武帝時異國獻草似蒲帝思李夫人懷此草夢

見之名懷夢草陽

禹餘糧

張華博物志曰扶海川上有草名蒟其實食之如大

麥七月熟民歛之至冬乃訖名自然穀或曰禹餘糧

唐詩云澗有堯時韭山餘禹日糧

嘉客紅

宋福清翁昭文先儒尤從子也園中非時生荔支其

母曰豈有嘉客踵門耶頃之莆田林光朝至因名為

嘉客紅可補荔譜之缺

龍荔

文南有一種龍荔實如小荔枝味如龍眼木與葉亦



類剛廣陳剛中詩云龍荔綴如珠  
三寸柑

凡柑皆圓獨成都產者形如鴨卵故杜甫詩云三寸黃柑猶自香三寸言其長也余嘗過臨江府地產黃柑有長三寸者

嘉慶子

唐書述西京記東都嘉慶坊有李樹極美故稱嘉慶李千百年後稱李乾皆曰嘉慶子他物未有如此之得名悠久也

丹青樹

西京雜記云終南山有合離樹紅綠相雜斑駁如錦繡長安謂之丹青樹

蚊樹

嶺南異物志曰有樹如冬青實生枝間如枇杷每熟即碎裂蚊于群飛惟皮殼而已名蚊子樹今求福山中

鳥獸蟲魚

梟不祥

梟惡鳥也人聞其鳴輒為不祥有謝艾梟鳴牙旗乃兆軍勝張率更梟鳴庭樹乃兆授官唐章顓將放榜



中泉鳴簷際逐之後還顯曰我失意無所恨兼恐橫  
罹災患須臾榜出顯登第然則泉非惡鳥也

念佛鳥

九華山產念佛鳥形大如鳩色黃褐翠碧間而成文  
青韻清滑如誦佛声唐韋蟾詩云靜聽林飛念佛鳥  
細看壁畫獸經馬

龍九子

龍生九子所載不同一曰蒲牢好鳴鐘鈕之獸囚牛  
好音樂器之獸蚩珠好吞殿脊之獸嘲風好險殿角  
之獸睚眦好殺刀頭之獸負屭好文碑旁之獸狴犴

好訟獄門之獸狻猊好坐佛座之獸霸下好重碑座  
之獸又云瓦猫好險簷前獸饕餮好水橋下獸螭蚩  
好慵門前獸憲章好囚獄門獸蜥蜴好腥刀頭獸蒲  
牢霸下負屭咄吻與前同

猫睡

猫之善捕鼠者日常睡终日跳擲者必不捕鼠見陳  
止齋集猫不捕鼠者名麒麟猫有味

鮫魚皮

吾閩產銅鑊鑄刀劍甲天下劍鞘以鮫魚皮為之堅  
硬如石劍中有魚名鮫魚或以為鯊魚皮非也李長



吉劍子歌云鮫鮎皮老蒺藜刺礪鷓淩花白鷗尾正  
指此也魚皮隱起細刺如蒺藜故云

蠶車螯蠟

閩中產蠶見韓退之詩車螯見歐陽永叔詩蠟見蘇  
子瞻詩

△增加

印文

內外諸司印文俱用疊篆以九畫為止字用成雙不  
及變者足以之字而總兵所掛印文則用柳葉篆其

玉璽與王府之寶則用玉箸篆其印形方大小有差  
一品者三臺二品者二臺俱銀三品以下者銅惟應  
天府特賜銀印巡按御史鐵印柄端有孔條穿之其  
餘職衙門則形稍長不方謂之條記

金花帖制

唐登進士有金花榜帖用塗金黃紙濶三寸長四寸  
大書姓名下有兩知舉花押仍用白紙作大帖貯金  
花帖外亦書姓名二字蓋以此報其人也見崑山志







